



金石文叢稿本

近江

二十八

特別
千10
4622
28



410  
4622  
28

西遊旅談卷二四



近江日野綿向神社墳



二親。幽靈無法界。永五成佛得道也。方卒。都  
婆志者。為延慶三年十月十六日願主日記  
重方。

上段ニ梵字三字アリ 碑銘ニ圈點アリハ字疑ニキ者也

近江

不悉文庫金石銘類

近江目賀田十禪師鐘銘

江州愛智郡目賀田十禪師之鐘應永  
十八年九月十四日鑄之敬白

朝野羣載卷一

猷山水飲道場觀音像碑文  
僧唯普照聖是觀音發心不淺弘願甚深

不忍文庫 金石銘類

比叡山西塔相輪櫟風鐸銘

比叡山西塔相輪櫟風鐸天正十七已  
丑再與之

大日本史佛叟志卷五

二十八丁

延曆寺初名比叡山寺後曰一乘止觀院天台座主記有

根本中堂法華三昧堂常行三昧院戒壇院總持院

定心院寶幢院文殊樓延命院靜慮院五佛院實相

院大講堂四王院東塔院西塔院橫川中堂如法堂

寺三代實錄天台座主記源平盛衰記差我帝弘仁九年遣左大辨大

伴古麻呂驗知寺地定其四至九院仁明帝承和

十三年建定心院勅三寶梵天帝親料宣割奉國稅

三萬束出奉以其息利充之十四年始置定心院十

禪師每日轉大般若經其有關擇才行兼備者補之

後紀日本清和帝貞觀五年施人康親王奉國愛智郡  
田九十四町為傳法料常康親王高嶋郡田百三十  
町為救急料詔國司永勿徵租三代實錄十四年勅定心  
總持四五三院歷代聖主御願所建故安置禪師每  
院宿員今聞禪師等或住他寺恣出山門既乖先帝  
之御願却失禪定之道心宜仍舊勤修十八年置八  
僧於寶幢院勅准定心總持二院撰定智行補其闕  
類乘陽成帝元慶五年賜清和院大浦莊墾田二十  
八町為文殊樓七軀大聖文殊並五佛燃燈修理等  
料三代實錄七年置寶幢院別當知院中庶夏伊呂波抄光

孝帝仁和二年勅奉國出奉正稅稻一萬五千束以  
其子錢充西塔院釋迦佛堂長明燈油三代實錄醍醐帝  
延喜二年法皇幸奉寺賜奉國滋賀郡敕旨田七町  
為佛舍利會料三町為法華三昧料日本紀略又充定心  
西塔二院料四萬五千束文殊會及造院料二萬二  
千束延喜式

記

近江名所圖會卷二

十一

園城寺鐘銘

在金堂側文祿年中  
太周秀吉公建立云

請特蒙十方檀那助成修造江州三井寺之堂社狀  
伏惟阿難尊者傳持佛法忝稟教勅為濟度衆  
生也優填王刻如來尊容亦任金口之附屬為利益  
國家也抑當寺者天智天武持統三代勅頌之精舍  
教待和尚草創也天台真言俱舍三宗兼學之練若  
智證大師再興也有八功德之水和修吉馘王所栖  
矣為無熱池之流奉天子御產湯鳥依之玉躡無恙  
叡運無傾自亦稱三井寺佛法警衆日尚矣於此乎  
生身弥勒降自都率結三會值遇之緣天竺名鐘出



自竜宮鎮唱諸行無常之理。倩考古記溫來由。須達  
長者建祇園精舍。十大弟子鑄四方梵鐘。今此寺之  
鐘其隨一者乎。或取顯金胎西部諸尊。或取現三世  
諸佛相母。加之天下有凶年。則汚流平瀝。民間謳太  
平。則音澄響高傳。口一度聽鐘聲。永免三惡苦。孰人  
不運步。何輩不拜之。就中吾大師者。大聖不動。變作  
益真言。上乘密義。救世觀音。示現窮天台法華淵源  
乎。刺准釈尊苦行。攀大峯葛城之嶮阻。覓役優婆塞  
跡。司熊野山之檢校。障者降伏之勒口矣。招福之祈  
靈驗。追日新法威。無落地矣。然間四海安全。併任三

井懇祈。王法長久。偏依大師法德。寺門名譽。不可勝  
計者乎。唯恨建武之昔。燒失七百餘宇。為凶賊都為  
焦土。曆應之古。造營一百有餘。亦為雨露頽毀。悲歎  
無限。愁鬱幾許矣。爰某忘躬不堪。捧一紙化書。意馬  
急鞭。敲十方檀門。信心貴賤。有烏則布千金萬斛。道  
信尼女。無馬則施一紙半錢。宛如不厭巨海於万流。  
頗等不嫌大山於片塵。若夫修造功畢。結緣隨喜羣  
類。現世安穩。而者千祥萬吉。自由自在。渴仰皈依。緇  
素後<sup>生</sup>善處。而者三身萬德。無邊無窮。都而自界他  
界。有緣無緣。親疎遠近。平等普利。仍勸緣之趣。蓋以

如斯

聖護院 道澄烏

近江名所圖會卷二十九

山口志兵衛重成清泉碑在江

山口志兵衛重成者勢州之人也。本姓住山氏。初名盛治。号三左衛門。其父甚左衛門吉久。仕飛騨守蒲生氏鄉。領鈴鹿郡住山村。嫖小川左宮女。生一女三男。長曰内記也。盛治者其弟也。氏鄉移封奥州。吉久亦從之。盛治及十八歲。来江州。事修理亮山口重政。慶長十八年。重政及嫡子伊豆守重信。有故忤旨。竄于武州八間郡。生越龍穩寺。重治辛勤。竭力奉之。元

和元年。擢州難波戰。重政重信。屬掃部頭。并伊直孝。下攻之。河州若江。重信一番合鎗。先獲首級。其身亦被瘡。寇兵進至。盛治及其役。典同僚。而三人擊退。未負重信。既陣。重信得免。既而沒。重政嘆盛治戰功。跋羣。示感書。鼻山口氏及其諱字。且授家紋。於是盛治改称山口志兵衛重成。乱平之後。重政赴高野山。欲至南海。使盛治事雅樂頭。酒井忠。在寬永五年。遇赦。皈江府。仕幕下。采邑依舊。同七年。重成。皈仕重政。同十二年。重政。易簣。次男。修理亮。弘隆。嗣其家。重成勤

仕如故。正保四年。弘隆奉召命。守江州水口城。重成從行。水口土山之間。水乏。行人苦渴。重成。聞山麓。清泉涌出。盛夏不涸。掘井于稻川。疊石為甃。大為行旅之便。承應三年五月十六日。重成病死。年六十九。號即翁了心。其後經年。土崩石傾。其子志兵衛重主。頃間。追其志。畢修覆之功。依价者。請記父之履歷。固辭弗措。乃述其大概。作一絕示之。  
逆役難波揚勇名。稻川療渴本源亨。清泉日夜流無益。洗出忠心一寸誠。

延寶己未冬

整字主人春常法眼林重民識  
孝子山口志兵衛尉重主建之

中川清秀碑

中川瀨兵衛尉源清秀。攝州人也。在茨水城。數有戰功。先是天正元年秋。受信長之命。誅和田伊賀守惟政。武名冠天下矣。十年夏。與秀吉擊惟任。日向守光秀之軍。大破之。自此威名漸盛也。其餘雖有軍功。不遑枚舉。十一年三月。秀吉使清秀為此城主將。押柴田氏。時北越魁將佐久間玄蕃允盛。政率數萬兵圍此城。急欲屠之。故攻戰聲如雷霆。響天地。然清秀膂力絕人。沈勇有大略。更不屑之力。

戰防之。故城中堅固也。高山右近。雖在側。若  
與清秀不并力。且不及一戰而敗。走。故敵軍  
乘勢竟進。欲拉之也。清秀閉門出戰。故退奔  
三町餘。敗軍七矣。追亡逐北。搏殺不知幾數。  
百人。清秀又被三創。故家臣諫曰。自裁。清秀  
曰。汝不知乎。今日之闕。縱雖授首於僕。卒。我  
何辱之乎。曾聞。雖為一人。以滅敵為勇士。敢  
不肯焉。家臣引過其袂。清秀奮絕不還。復追  
敵矣。凡突入敵陣九回。然衆寡不遇。見其遂  
不可勝。歸城自殺。享年四十二歲。次癸未。四

月二十日也。攀壺感彼驍勇也。此地雖為其  
舊跡。年代寢久。古塔頽倒。予今在此。娟娟  
心目。如見清秀。況其功之偉哉。盍記之哉。茲  
清秀第五世孫中川佐州刺史久恒。歎其古  
塔頽倒。請予曰。是歲幸及一百年。遠忌何不  
改造之乎。予新建一基石浮屠。換其古塔云。  
于時天和二年壬戌四月二十日。淨信寺住  
職沙門雄山謹誌。

忠義碑

栗山潛鋒

大石君諱良雄，稱內藏助，其本出自鎮守府將軍藤原秀鄉。秀鄉之胄，有倉江之大石莊者，因以地氏。應仁之亂，舉族戰歿，無嗣。會小山春朝之孫久朝居京師，大石小山本同宗，因後之。後六世至良勝，始臣于淺野長重。及長重子長綱，改封赤穂，遂移為實君之曾大父也。父良昭，娶池田氏，生君良昭。早世，君年十五，承重大父良欽。歷夏、淺野、長友及長矩，世祿千五百石。為人溫寬，有度，不為齷齪自用。雖為長臣，於夏無所預。元祿十四年三月，詔使至幕府，長矩陪伴，坐以私忿，刃傷。告良義，夾

於府中大不教論死君在赤穗聚城士三百誓曰讎在  
義不共活枕城死耳既而又曰據城亦似叛不如退而  
自殺城士從之者數十人刺血盟誓君乃曰可矣死未  
免也叱舉城恒擾不知所為而君日坐官廨引見吏民  
凡外內諸吏屢決如流自城儲庫積文武諸器以至錢  
鈔租稅之微具備文簿莫不明較四月除道迎使者致  
城而去出遊京師狂縱無行往披僧衣携妓醉市讎  
家偵知以為無能為也明年君與子良金變姓名去江  
戶俾神等則休茅野常成佯為估販注未讎家伺察動  
靜義央避仇率常外宿會十二月十四日客飲抵夜君

謀知之乃率同盟四十五人按第圖申令號鏡中衷甲  
乘曉梯<sup>屋</sup>斫門前後競入劫縛一人索蠟燭之每室明  
晝如晝奮鬪亂殺傷數十人唯逃者若婦人不害遂殺  
義央於室側褫衣裹首乃吹笛歛衆戒火灌竈留具名  
畧於扉前相率退于芝之泉岳寺祭首長矩墓遣吉田  
兼亮富森正因告大目付仙石久尚曰謹埃誅即日分  
拘君等四十六人於細川緹利松平定直毛利綱元水  
野忠之之許十六年二月四日各賜自益許葬長矩墓  
側取君年四十五初娶石束氏生子三男三女長乃良  
金死年十六二男多二女大嗟夫君之舉更結徒動衆

恣刃貴者、徵之法令、罪固當誅、而意將謂寧觸法於當世、不可負恩於地下、身可蚤、志不可奪、其豈有為而發哉、是以君舉止自若、束身就死、毫靡所憾、而其氣烈之所磅礴、雖天地為震蕩、士風賴以奮、民彛賴以植、謂之千載一人可也、族姻收君鎧、埋之大石、古墨之址、建石勒夏并刻四十五人姓名、四十五其人也、心則一也已、良金稱主稅、君之長子信清稱瀨左衛門、君之族弟吉田兼亮稱忠左衛門、子兼貞稱渾衛門、兼亮與君協謀、前後規為多、賴之云、原元辰稱總衛門、方衆之洵、擾與兼亮俱助君、綜理衆夏、使莫壅滯、片岡高房稱漁五衛

澤

門、間瀨正明稱久大夫、子正辰稱孫九郎、小野寺秀和稱十内、子秀富稱幸衛門、磯貝正久稱十郎左衛門、堀部金丸稱弥兵衛、武庸稱安兵衛、金丸之象兒也、金丸老而壯慨、武庸以勇敢聞、衆之濟夏、父子之功謀居多、近松行重稱勘六富、赤正因稱助衛門、臨訣、毋與所著觀衣曰、汝得死所矣、潮田高教稱又丞、赤垣重賢稱源藏、奧田重盛稱孫大夫、子行高稱定衛門、矢田助武稱五郎衛門、早水滿堯稱藤左衛門、間光延稱喜兵衛、二子光興稱十次郎、光風稱新六、光興與武林隆重得義、央殮之光、與遂斬之首、中村正辰稱勘助、菅谷政利稱



半丞不破正種稱數衛門入讎第擊殺為最多千馬光  
忠稱三郎兵衛岡野包秀稱金衛門木村貞行稱出衛  
門貝賀友信稱彌左衛門大高忠雄稱漁五謀得讎家  
飲會其謀也出島常對稱八十衛門武林隆重稱唯七  
倉橋武幸稱傳今村松重直稱喜兵衛子秀直稱三大  
夫杉野次房稱十平次勝田武堯稱新左衛門前原宗  
房稱伊助矢頭教萬稱衛門七父長助病將死授甲教  
萬曰必以復讎教萬終奉其言死年纔十八神崎則休  
稱典五郎茅野常成稱和助橫川宗利稱勘平三村包  
常稱次郎左衛門在赤穗送夏厨所職祿最下至是死

節

江州蒲生郡仁正寺邑光延寺鐘銘并序

龍州廬名公美

文明中本願寺蓮如上人駐錫於江州日野正宗寺。  
 闡光闡法。延十方輻湊。四衆蟻集。于時音羽城主蒲生  
 知閑尊崇之。乃請上人於城中。親受其誨。其臣有增  
 田重種。花名六右衛門者。凡內外之事。未嘗不幹焉。  
 可謂蒲氏之股肱也。而其志居恒在乎佛乘。厭離世  
 榮者久矣。亦歸依上人。而與其場。一聞淨土一大事  
 因緣也。即信順特切矣。於是乎請其君。欲致仕薙染。  
 而時屬戰爭。國乏良士。故深惜而弗聽。其遇益厚矣。

明治五年八月廿三寫

因終身汲汲乎死于軍務之際。其子重胤。花名助市。能遂父志。致仕得道。更名清源。即以其宅作蘭若。名曰光延寺。歸屬澄如上人。自尔已累世相續。以至于今云。現任名法幢。亦能奉其道。益輝祖業。獨憾洪鐘未備。近募諸檀越。鳩銅財若干。命鳧氏鑄之於遂乎。華鯨新成。以供晨昏。其功豈不偉乎。且記事以昭公美。請之銘。公美亦隨喜。與其勝緣。而不敢辭焉。作銘曰。江東淨刹。名曰光延。晚成大器。華樓斯懸。一杵再折。上通蒼天。三擊四擊。下徹黃泉。覺長夜夢。驚無明眠。曉和青女。夜奉金僊。殷其雷動。砒然石堅。扣發清

韻。聽結勝緣。厥福無量。厥德無量。唯冀自今。傳萬斯年。  
年。岡崎信好曰。頃者有人來告予曰。何者。夜見妄奪。取此序銘。削去先生之名。而更換他之名。以鑄記于鐘。予未至其寺。而目擊。則其言之實。不可知焉。俟他日當正焉。

草廬集卷三 三十一

混滯海中筑夫洲碑銘

城戶公賢曰文成偶有

龍州廬名公美

茫茫積水。渺渺太湖。中有孤島。名曰筑夫。真箇福地。  
實是靈區。江妃所宅。群僊所都。闕宮有佻。鏤玉彫珠。  
琪樹瑤石。直豔豔厥隅。衆寶維足。點塵絕無。哥者有覲。  
舞者有巫。波動鼓聲。松吹笙竽。龍洞雲起。鶴渚露濡。  
烟景風色。總與世殊。宜哉宜哉。以比蓬壺。若夫凡骨。  
一敬玉樞。俗慮頓滅。福不可圖。猗與勝境。靈乎神乎。

古今碑銘類集卷一

近江國湖東日野大嵩社梁簡銘碑

大嵩社者。天穗日命神。在之古趾也。於是欽明天皇  
御宇六年。觀瑞已創祠於錦嶽。其後天武天皇白鳳  
甲申。仰德虔作時於筱谷。而奠像竟備矣。雖然靈鳥  
早翔兮。春雨點其瑤。玄兔速過兮。穉露疵其璫。清宮  
既廢矣。故今復上棟立柱。以全其佳躅。因以祝冀。剛  
謨朗。輻四裔。定焉。良醫協和。八荒安焉。四時序季。疾  
梁病除焉。十雨頌節。穀梁登焉。俯念神明。睿聖尚垂皇

愍矣。敬白。

天慶八年乙巳八月二日

從四位下行木工頭紀朝臣貫之謹誌  
神主正六位上出雲宿禰貞主  
工匠無位 鞍部連稻足

碑陰記

大嵩廟梁簡銘。木工頭紀大夫所撰。且書。承元災為  
灰燼。今僅存其辭。廟祝紀明仁。恐其久而并其辭亡。

之。欲刻而置之廟前。求書于余。因書以與之。

寬政十一年己未夏五月

從四位下行左近衛權少將兼越中守京城主源朝臣定信識

閑田耕筆卷一(三十一葉)曰

日野大宮といへる<sup>時</sup>紀伊くししの梁簡銘あり  
本昏ハ川失ひ人今有る処写し<sup>る</sup>物ふれ  
共いと古びて虫を々とり近年其撰社を再建せ  
る<sup>る</sup>取計らむ取出せりとあん即左に記す(此間ニ  
碑文有し右銘中小錦嶽といふハ錦面山とも綿  
向ハ嶽ともいふ錦面を誤りて綿向と讀まれり  
とも又ハ今の地ハ御辻座の眩綿を擘るが如き  
一片。白雲東に向て飛去り猪部社の古櫻樹ハ  
止り了故とも云へり或ハ奇日嶽嶺朝日山とも





近江蒲生郡山王神祠碑 中山大納言

近江国蒲生郡日野郷南山王之神祠者、天台宗僧  
柔實寺中正壽院行賢法印、與郷人構建之、以為一  
郷之靈鎮也。祠舊在大將軍野慶長中遷今之地。祠  
前、闢馳道、廣一丈二許尺、長六十丈餘。經營倍舊、爾  
後、至寛延中、修葺五回、遷座、像範、正壽院僧當其職。  
他方巫祝、不知来由、有妄欲奪社地者、爭訟三年、明  
和辛卯、遂奉官裁、從前規、既而神祠荒廢、安永癸巳、  
郷之名族中井光武、嘆之、發憤募衆、遂竣修造之功。  
殿宇輪奐、神威赫奕、又植檜三千株、蓋備後來修補。

之用也。頃未光武乞記其由，嗚呼崇修之勤不失其  
收尊神之靈昭于宇宙，則固不埃吾文，而禎祥傳永  
世，洪福蔭一鄉也。必焉以此為記。收享和元年辛酉  
秋九月也。

正二位前權大納言藤原朝臣愛親撰并書

近江長濱八幡宮碑陰記 渡邊奎輔

本州坂田郡長濱古名八幡里，以有是宮也。其鄉  
曰細江，有南北里，蓋隸南鄉。南鄉舊分八邨，曰瀨  
田，曰高田，曰宮，曰東，曰中山，曰三矢，曰列見，曰西  
濱，西濱寬正中為湖波所吞，一邨皆陷，故今為七  
邨。自京極氏臣上段治部築若湖畔，而有今濱之  
名。及豐臣氏拓若為城，始更曰長濱。於是七邨皆  
隸合祢八幡莊，而細江南鄉之名廢矣。淺井郡今  
有細江村，蓋北鄉之遺耳。細江鄉屬本郡，知名鈔  
可徵，不知何時轉屬淺井也。方今長濱城鞠為茂

草是宮雖歸然獨存滄桑之變或不可測主祠法  
印等有慨于此乃使中島西島二生來就余謀假  
名公之手勒銘于石以鎮宮垣余耽在江戶與益  
城松子明復友善因與松子遊祭酒林先生之門  
且辱因幡新田老疾之知久矣乃乞二公文辭松  
子又深嘉此舉為請其主桂川侯昏丹及白河老  
侯題額見贈四公洵一世妙選也是舉實出鄉人  
之意而終始贊襄松子之力居多焉碑文既成闔  
鄉感歎欣然經營使江戶工人羣鶴及世祥掄石  
雕鏤積一千五百日告竣乃海運抵浪華上伏水

輿致大津駕筏始達長濱建諸宮西南二十步外  
石出相州小松原高八尺五寸廣半之厚居五之  
一文二十五行行五十字通計一千七十四字額  
九字鄉人在京師者林宗一宮武良暢各醵金以  
助其費石材雄偉其質堅膩文華固稱四絕刻于  
亦推第一衆美具焉精巧極焉爰以揚神皇之光  
副鄉人之望于是宮俱存于悠久無疑也是則非  
余輩之力所能為也蓋神皇之靈有所降格而誘  
衷於冥冥者果不誣也碑成日不禁仰感竊昏其  
由以告來者其祭儀古以四月三日坂田淺井二

郡士族衣冠隊列警衛神輿其以九月之望者豐  
臣氏所定云事繫是官沿革故附記焉  
文政四年歲在辛巳秋九月望膳所渡邊昶奎輔  
謹撰先集歐陽率更字

松屋文波集下廿九

大田神社古蹟屢碑詞

藤井高尚

世中波常無支物止昔典利言續未礼杼神社乃荒  
奴流方多具比毛無久惜之久慨久奈毋近江国高  
島郡能大田神社波延喜式乃書尔毛記佐例天在  
迹今方伊墻毋無久唯芝生止叙是波足利乃未能  
乱世爾依天之如是在良志同郡能典吕岐乃村尔  
中江千别字久右衛門登云人在利古学乎毋美且  
神伊都伎能心深久此古跡迹碑遠立牟登奈毋為  
那留永代尔標尔為遐代尔語統往婆往前途波人  
皆神伊都久心乎起志氏御社仕奉利且之加登思

布心有物尔許曾、千別伊、京乃城戶、千楯尔傳言之  
氏、其碑乃詞乎、高尚尔書天止乞於許世都美空飛  
鳥尔毋賀毛、徃且其屬乎見乍、荒奴流故緣乎毋問  
聞麻之乎、道遠久山河能弊奈理、自有礼婆、將為湏  
倍無之、以麻陀不見所不知、夏尔天委曲迹波云加  
祿都其慶尔大田乃馬場登云地、今毛在且松杉二  
木立利止波、聞久尔依且思遍良麻久方、昔波並立  
流松杉迹、花紅葉乃木毛、五百枝刺繁生、交利天祝  
部等能退出且遊志、慶年年乃御祭尔波、競馬為志  
慶尔許曾阿留良米、今方佐夫志久見延渡流登毋

碑置志天方、古跡乃名松根能絕留夏無久、保許杉  
我本迹、昔年佐武世乎麻多泥、美豆乃御柱造成且  
馬場毋昔尔加遍理、双倍之、阿那於武加之標乃石  
阿那伊曾之中江乃子

嚴山子文冢銘

賴山陽

嚴山子諱正武。字子德。嚴山其號。通稱主計。彥根藩士。眞壁氏之子。出嗣甄藩堀氏。堀氏祖杏菴先生。近江安土人。學於京而仕於藝。子孫世為儒官。住京。曾孫南湖。與從弟景山。分門給職。南湖曾孫君弼。無嗣。臨沒。養子德。子德塊獨。抽先世書讀之。時遊京儒間。最後來見余。余常傷無以報父母邦。得子德大喜。相勉以實學。子德益發憤。誓振家聲。供國用。其業大進。庶幾有成。而一疾不起。實天保辛卯七月十九日。年歷三十一。葬南禪寺先塋。而舊鄉同學友收平昔文稿及退筆。埋諸彥根長久寺中。樹石焉。合辭來。

請銘於余。余惜子德之無年。而喜其有友也。揮涕銘之。  
琳珉厥質。昆吾厥心。而發之厥文。金纒聲矣。而玉未振也。  
乃祖之鄉。距茲匪遐。魂乎尚相。從湖之厓乎。

朝日將軍水曾漁公遺跡碑銘

大學頭 林 衡 製文  
左近大夫 林 銑 撰銘  
男 谷 思 孝 書

古今世道之變。英豪迭與之會。雖或有以地。與時之  
不同。而其迹亦遠有相彷彿焉者。吾嘗讀史。至漁平  
隆替之際。乃見其迹。與秦漢之興亡畧相類也。蓋平  
相國之克暴驕奢。尚能自全。而世不再傳。則秦皇而  
亞烏者也。漁右大將之殪平氏。創霸業。則漢高而小

烏者也。至其尤相類者，則征夷將軍源義仲之與項  
藉是也。將軍狀貌魁偉，膂力絕人，乃藉之身長八尺，  
力能扛鼎也。其以將家子弟，不幸羈孤，潛匿信中，後  
以其威名烜赫，人呼曰朝日將軍，乃藉之世。將家  
少小落鬼吳中，後稱西楚霸王也。其勇猛善戰，所向  
無前。先右大將寵遂平氏，而右大將憚之，乃藉之暗  
啞叱咤，所當者破，多屠秦縣邑，而高祖畏之也。其有  
右大將兩雄相爭，而時不利，歿於粟津，乃藉之與高  
祖迭為勍敵，而遂敗於垓下也。且其妾巴者，從戎行，  
則藉之有虞美人，幸從而其馬入水田，為追騎所蹶。

則藉之陷大澤，漢兵及之也。其殉在元曆元年，明年  
三十一，則與藉之死年三十一，亦適相合矣。其功業  
之垂成而敗，而世議歸焉。然竟為一代豪杰，則與世  
之議藉徒以成敗者，亦同一揆矣。嗚呼！其人其迹，何  
其如是之相類也。惟有一支弗同焉者，是則又可表  
矣。藉之亡，高祖禮葬之，不誅其支屬，而藉無子，未聞  
後世有承其祀者。將軍則有四子，長曰義隆，為右大  
將所殺。次曰義重，先卒。三郎義基，四郎義宗，逃依其  
外家沼田家。國義基，四世孫曰讚岐守家教，有三子，  
長曰家村，次曰家定，季曰家道。家村從室町將軍有



為戰功。受封信中。襲稱讚岐守。愛李弟家道材武。養為子。稱伊豫守。世相承。居水曾家道。十世孫中務大輔義康。質其女於武田信玄。信玄亦以其女妻義康之子義昌。義昌後屬織田右府。與勝賴戰。鳥居嶺敗之。右府賞賜筑摩安曇二郡。右府薨。屬豐臣太閤。至天正十八年。徙封下總網戶。義昌卒。子義利嗣。至慶長五年。坐事國除。後薙髮。號宗屋。托於伊豫杵山城。主受千石。以終其身。自將軍至義利。凡二十一世。閱歲凡四百五十餘年。其間雖有盛衰遷徙之遞變。而系統緜傳。以至於此。比諸項氏一亡無後者。其幸不

幸果何如哉。藉嘗曰。天之亡我。非戰之罪也。夫身亡無後者。天之所廢。則有後相承。非天之所祐邪。是其所以不可不表也。去歲春夏之交。余患手氣。荏苒直時月。聞有葦原檢校名義長者。善鍼技。因招試之。果有効。一日。檢校語曰。義長不幸。七歲失明。俵々乎無能為。惟賴一鍼以餬口耳。兒義寬尚幼。庶幾其長。以與悴族。今雖頽尾之如此。而遠祖則係木曾將軍矣。以癸巳之歲。值其六百五十年。擬修追遠之祀。因立碑於江之栗津。以表遺跡。願煩鉅筆。以經緯之。敢以請。余始聽而疑之。以為木曾氏之裔。至慶長而絕。今

得有後子。後數日。檢校又來。出譜牒示之。復申前請。乃披而讀之。檢校之父義富。祖義忠。並處士。以擊劍名。曾祖義敦。高祖義近。仕尾藩。食八百石。五世祖義德。居美濃寺川戶。依山村十村二氏。六世祖曰玄蕃尉義辰。即義利之子。從義利托於松山者。記載明備。無一可疑。余於是始釋然。因謂檢校之感慨追念。欲碑而傳之。亦人情之所宜然者。乃為一諾之。既而檢校之技聞於大府。特召賜謁。至今年九月。賜俸米準侍醫。何其榮也。余每懶筆墨。碑記之諾未果。檢校來促不已。且曰。今日之榮。蓋亦祖德之所致。欲及期立。

石以有所報也。其請益切矣。余不復容緩慢也。乃略叙平昔所持論。并及其世系如此。若夫將軍夏歷之詳。則史具載之。不須贅。又命兒旣作詩八章。使之歌以薦其祀。夏辭曰。

鬱、松、越、粟、津之原。湖水縈帶。羣壘擁屯。風旆濤怒。雲慘日昏。俯仰陳迹。凄然傷魂。其一在昔。寰區妖氛。四漲。羣雄競興。割據相枕。孰最低強。木曾元將。慄悍其性。魁偉其狀。其二神兵一發。電掣颼馳。白旆所指。衆皆披靡。奏凱獻馘。棘陛征夷。威名照耀。赫如晨曦。其三爾叱鏖。府創唱霸業。勅歎相持。難乎而立。維茲

送

一舉存亡危急。收不利乎。挫鋒棄甲。其四惜夫鴻績。垂成而隳。日中則昃。月盈則虧。揆諸物理。適相盛衰。命也斯已。云何吁嘻。其五物換星移。六百五十。迹雖則陳。厥靈何溘。駕雲跨霓。恍惚用蓋。遺烈如此。誰弗震懼。其六圓彼古刹。墓木陰森。維神所宅。儼然于今。過此地者。未謁未欽。憑吊追念。慨愴良深。其七遐裔猶遺。系緒綿歷。爰揚祖光。以表幽跡。梁稷豆觴。明祀感激。嗚呼神靈。尚其未格。其八

天保三年壬辰十二月

葦魚檢校源義長拜立

明治十五年青甘曾依木村子藏本寫之  
窪世祥刻

栗園餘業卷下十才

立川生墓碣誌

中村栗園

淫蕩輕薄。達忤庭訓。顛覆家道。使父母戚々不樂者。是為逆子弟。謹慎厚重。善事父母。色養匪懈。是為順子弟。順子弟。人皆願其永年。逆子弟。人皆欲其速死。欲速死而壽。願永年而夭。世多有之。可勝歎哉。立川某。余相知也。嘗携一青年至。曰。是為豚兒。請收於弟子之藉。將以後日而使來學也。余引見之。容貌溫雅。不問某而知其為順子弟也。既去。數月不復來。忽接集書。始知其罹疾。以為年少。餌藥必瘳。歲月荏苒。終不起。頃某來見。曰。兒在蓐。言先生之事不絕口。此非欽慕先

生之故歟。然則誌見墓。非先生則不可。而見不得。先生誌。則必不瞑矣。余泣而諾之。乃誌之曰。生諱政。字帥正。幼喜讀野乘。一過上口。人稱其強記。客歲余訪其家。留宿浹旬。時生疾頗平。出其詩文稿。受點竄。又質問疑義。余視其事。父母唯々奉承。未嘗疾言遽色。以如是之順子弟。而天不永其年。信可謂命矣。然較之。逆子弟。徒生多壽者。何啻天淵。昔者韓退之誌李元賓墓曰。生而不泯。孰謂之壽。死而不朽。孰謂之夭。由此觀之。夭不足深悲。壽亦不足以為喜也。生以安政六年四月廿九日沒。年十有九。

拙堂文集卷五 六丁才

近江信樂宮址碑

齊藤拙堂

江州信樂勅使里傳道淡路廢帝嘗駐駕處。今有其宮址。臨雲井川云。按續日本紀載廢帝五年。以修造平城。遷幸近江保良宮。蓋此歟。其後僧空海創一寺。自刻其像。置焉。香火不絕。比高野山。里人某請余記之。余乃書其由。係之以銘曰。  
近江之野。突兀佛堂。嘗通御氣。長留天香。勿謂地僻。千歲輝光。

浦之志保貝拾遺

小本六  
十二ウ

高木氏文塚

熊谷直母

之。海。者。ら。高。木。氏。家。の。七。十。も。あ。る。と。い。は。れ。し。し。
 ち。り。う。海。も。あ。り。く。く。あ。り。り。己。と。い。は。れ。し。し。
 免。之。風。の。る。る。と。い。は。れ。し。し。何。れ。の。好。む。か。
 わ。さ。た。し。ひ。あ。り。し。き。お。け。た。は。り。し。し。
 之。を。あ。り。し。し。あ。り。し。し。あ。り。し。し。
 入。り。し。し。あ。り。し。し。あ。り。し。し。
 之。を。あ。り。し。し。あ。り。し。し。あ。り。し。し。
 生。か。す。と。い。は。れ。し。し。あ。り。し。し。



栗園餘藁卷下十三才

小川生墓碣銘

中村栗園

人心之迷亂。莫甚於病苦屯難之際。但平日讀書燭  
理。然後能處之不迷亂矣。雖然是自非齒德並長者。  
焉能至此。其年少而心不迷亂者。余獨於小川生見  
之。生名某字某。藩醫某子。十三喪父。父臨沒遺言。使  
繼其業。生服膺弗敢忘。初從余問文字。精苦罕比。後  
遊京師。學鑿於宗恭亭。居亾幾得焉。疾而歸。巖谷某  
為其同門先輩。故盡心療之。終不起。以萬延庚申七  
月十六日沒。生之在禱。或勸以易醫轉方。且使巫禱  
神。生掉頭曰。吾病屬不治。禱神無益。又何必易醫。乃

遺言其母委曲周詳。如老成人。識與不識。皆惋惜焉。生為人重遲寘言。容貌如愚。而自寢疾以至死。持心牢固。一無所迷亂。比之長鬣丈夫。橫大刀騎快馬。鼻尖出火。耳後生風。可驚可懼。而一旦得病。心志昏憤。禱神佞佛。為兒女啼者。不啻天淵。某等相謀建碣。余揮淚誌之。銘曰。

誌墓者誰。乃是汝師。地下有靈。知我心悲。

栗園文集卷三

鎮西八郎為朝遺郎址碑

中村栗園

名和口人

保元之亂。源為朝隨父為義。應崇德上皇之徵。明年十八。獻攻戰之策。不用。軍敗。匿輪田邑。有疾。活民家。人視其軀。幹魁偉。怪之。告官。官遣兵圍之。為朝保躰。扶柱擊殺。數人。遂就傅。輪田者在近江甲賀郡。頃其邑人立川某。携其家譜。與地圖。來謂余曰。吾邑有源八郎遺跡。其夏存土人口碑。吾恐自今而後。物換星移。其地湮滅。無聞。故今欲建碑表之。非文得其人。則不可。先生年逾七十。而志氣如壯。豈非吾所謂其人乎。請為吾運椽火之筆。以留遺跡于千載之下。余



取譜與圖考之。保元中。漁滿政為甲賀郡司。居輪田。為朝以其同族。故未託焉。至滿政二十世。苗裔移住于江戶。為幕府麾下。而立川氏實為其枝屬。今此舉。蓋亦受宗家志云。余乃慨然奮筆曰。初為朝年甫十三。獲罪於父。奔豐後。侵掠九國。賊人畏其勇。號曰鎮西八郎。既而聞父坐已。夏。褫官。詣闕待罪。及兵起。助父健闘。軍敗而捕。抑天也。嗚呼。為朝之慄悍。桀驁而能自引罪悔過。以身赴父急。與其兄之殘忍貪恠。殺父以保富貴。覩面無愧。終死於人手。昭臭萬世者。孝不孝。奚啻天淵。若夫臨戰鬚髮土刺。目眦倒裂。手大

弓注長箭。暗啞叱咤。縱橫馳射。勢如雷震。莫不應弦而斃。歎或取其巨鏃。傳觀股栗心悸。我破馭廬島。用闢以來。未男子之生于武門。多而膽壯氣旺。膂力拔群。猿臂善射者。余推為朝為第一焉。立川氏家藏一槩。甲上旅極大。相傳為朝所操。愈益信其未潛伏于此也。距郵址數百步。有地曰湯谷。即為朝所浴湯處也。老翁曰。一氣呵成。縱橫揮霍。如八郎臨陣。以見先生老益壯。

赤人廟碑

山部赤人與柿本人麻呂並稱久矣而人麻呂廟食  
千年赫奕於世赤人則寥々無聞豈非缺典乎近江  
國蒲生郡麻生村小松祠者赤人廟也廟側有寺曰  
養老山赤人寺養老中赤人所創建寺有赤人墓  
側有一老櫻樹曰赤人櫻文保二年山部種生者造  
七層石浮圖薦其冥福文明八年奉郡鈴村土官鈴  
村帶刀者施捨田園數所以供其香火厥後享保中  
霧元上皇詔侍臣藤原重季檢討小松祠并赤人寺  
緣故里人恐其煩擾不以實告竟遂寢赤人生卒履

歷鄉貫考諸古書皆無載案日本書紀顯宗天皇賜  
前播磨國司伊豫末日部小楯姓山部連實為山部  
氏之鼻祖帝又以近江狹城山君韓侲隸之又郡  
鎮神大嵩社傳記云所祀神為天穗日命欽明天皇  
六年神憑蒲生稻置三麻呂山部連羽咋新造祠字  
今其支祠猶有蒲生稻置三麻呂山部連羽咋等祠  
則當收山部氏之族住于此地可知矣赤人蓋其一  
人而生死於此土後世欽其德建祠宗祀焉者無可  
疑也其或山部作山邊者非是如山邊之別山邊公  
山邊真人等散見於古各其系夔別不可得混其他

如上統山部郡赤人祠伊勢鈴鹿郡山邊邑赤人舍  
大和宇多郡山邊村赤人家之類概後人附會地名  
作無稽之說者皆不可信也今年余適祗役浪華京  
師歌人渡忠煉亦客于浪華一日來余客舍談及此  
竟以余之奉邑在此地勸余亟建碑白於世且出勘  
文一卷示余雖盡領此地而未詳其狀及讀忠煉  
勘文深感於心乃一本藏之赤人寺又摘其要刻諸  
石以樹廟側他日朝廷或垂採訪如山部宿祢赤人  
謚號呂秩准柿本朝臣人麻呂例本廟祠典一如石  
見國高角山播磨國赤石浦廟則豈惟神祠之光華

抑々國家之盛衰也  
慶應紀元乙丑秋九月

從五位下守越前守平朝臣盛章撰

山部神社祭典歌會記

明治十七年四月十六日滋賀縣下近江國蒲生郡

下麻生村惣名朝日郷鎮座山部神社曰号小松祠祭典

二付奉納歌會但晴村

兼題花色春久論紙冊

本年四月十日ヲ限諸君ノ玉詠遠近ニ拘ラズ速

送有シコトヲ乞フ祭典後總テ輯録シ各一部ヲ

呈上ス若期日ヲ過テ到着セハ分ハ祭典ニ供セ

スト雖モ追テ輯録ニ加フヘシ玉詠ハ會主及ビ

委員ヘ投シ玉ヘ

本社距滋賀縣廳行程十二里、從東海道水口駅北  
二里半、從中山道武佐駅南三里、  
掛卷も畏、山部神社と稱、奉るは、山部宿禰赤  
人の神、霧を齋祭る所なり、抑此大神を寧樂朝廷  
小事へ、屢鳳駕、小從ひ、詔小應、詠歌を献り、或々  
駿河国、小乙不盡山を望み、詠歌し、はふなど、萬  
葉集中に明瞭、小して世、小傑作と稱し、人口小膾  
炙るること年久し、加之古今集序中、人麻呂は  
赤人、小上小立人、こと難く、赤人々、人麻呂、下小  
た、むふと、かたしと、紀朝臣も書著し、給ひて、歌

賞

の聖なるおと論、待、か、尊、神の御社乃  
荒廢せんと、深、慨、去、し慶應元年、故渡忠  
煉、大人、奮地頭、関越前守平朝臣盛章君と謀り、社  
地の傍、小碑と建、大神の遺跡、乃、正しく、此地、小紛  
ま、るに、證、徴、考、一、由縁を委詳、小識し、万、古、不、朽  
の功、成、奏し、給、一、り、其、後、明治九年九月、縣廳より  
命と下し、給、ひ、小松祠の、稱号を廢し、更、小、山部神  
社と稱、申、も、へ、ま、し、村吏、小達せられ、り、鳥  
居の額を、太政大臣三條實美公乃御筆也、然して  
より、爾、未、神威、弥、輝、き、神徳を、欽、ひ、遠、近を、問、を、詣

て来る人月小日に増えり況や式島の道弥栄え  
に榮えゆく明治昭代の今日小至り苟も此道小  
志深き輩々こく歩くを運ぶ大神を仰ぎ奉り尊  
に祭りて恩頼を蒙り玉ハむ事を普く天の下此  
風流士達小告知し免んと今回同志乃徒を募り  
瑞垣の内に久敷枯果し赤人櫻を植継其花乃盛  
を期し本年四月十六日を以て臨岐の答典を執  
行い音楽を奏し神饌を供し諸君より送り玉ふ  
咏歌を神前小奉り神慮を慰め永く寶庫小蔵せ  
むことを思い起しつれハ江湖の諸君幸ひに吾

輩の志を補多廣く知己の人こ小も勸免夥多の  
玉詠を送り給んむことを只顧希ふ小苗也

古来地名を詠むる歌

金葉和歌集賀

藤原敦光朝臣

曇りる交豊の明りあふみまら朝日の里を光さ

しそふ

新古今和歌集賀

祭主輔親

あう根さけ朝日の里乃日蔭州豊の明乃如さし

成へし

續拾遺和歌集賀

前參議為長

明らけき御代の始免の朝日山天照神のひかり  
さしそふ

玉葉和歌集賀

讀人不知

近江守朝日の里ハ今日より不世の榮ゆべき  
光見え々

明治十七年一月

會主

関

盛徳

副會主

平井

綱信

夏務掛

梅田

彦兵衛

本登摺

西村武右衛門

滋賀縣下近江国栗  
本郡大路井村国栗  
同縣下同国蒲生郡  
岡本村同同郡  
同縣下同同郡  
同縣下同同郡  
同縣下同同郡

同 同

西塚甚右衛門

同 同

母野又左衛門

委員

京都府下壻町通押  
小郡下町通押

尾崎実夫

同

同府下町通蛸  
同府下町通蛸

遠藤千胤

補助

社中

明治十七年一月廿八日午前寫小紫陰主人

神名生墓碣銘

中村栗園水口和人

師老而易箒。及門弟子哭泣葬之。或誌其墓。悲則悲矣。雖然。老者死而少者存。是為順境。門人大歿而老。師臨哭。又誌其墓。少者死而老者存。是為逆境。豈非可悲之最甚者乎。余老而遭此逆境。為門人誌其墓者。不為寡。今又有此悲焉。舊水口藩士神名生幼從余。暨見彞學。學與年俱長。髮々乎跨越等輩。為久謹。息介々自守。余乃與彞謀。薦之藩主。為泮黌助教。給以餽廩若干。令譽播于時。人莫不榮羨焉。戊辰以來。朝廷所在設小學校。生為日野校教師。暇日則携經



視

史未而質。蓋其志不安於小成也。生平日善病。竟罹萬疾。醫藥無驗。以明治八年十一月廿一日歿于家。年二十有七。葬于余先塋之東。遵遺言也。余撫棺哭泣。且視其窆封。嗚呼天假之年。則其所造諸不可測也。而今中道蚤世。人莫不悼惜焉。生名亨。字正。中號默軒。頃者其兄某建墓碣。請銘余。余乃攬淚述其終始。係之以銘。銘曰。自幼苦學。熬膏油。天忽召汝。記玉樓。孤魂遠赴幽冥路。却使吾泣。銘汝墓。羽峯曰。逆境之悲。使人悽然傷神。

湯

韻華樓漫稿

天超師墓銘

長三洲

碧。白雲之山。靈鬼所宅。千載如在雲白山。

無草祠碑

栗園中村和撰

高山之巔。風勁雪冷。氣候瑟縮。草弗能生。如平原夷地。則必蔓生焉。今此祠非在高山之巔。而境內弗生寸草。雖生忽枯。是以有無草祠之名。意者神惡草。使弗生乎。將土中有一種質。故然乎。此理吾未究之。唯祭神者。宜致如在之誠耳。神者天火明瓊。杵尊也。明治十年十一月。

太政官大書記官巖谷修書并題額

紀念碑

山口素臣

碑碣之來也久矣。自無懷氏始封太山，建石紀功，以還。君父之德業，因此以頌之。臣子之忠孝，因此以旌之。正義廉節之士，因此以表之。將校因此以吊，士卒戰死者，是皆欲以使人追想，欽仰於萬世之下，有所自振起也。客年西南討賊之役，以二月為始，而終於九月之末。其間軍士兵卒奮鬪於硝烟黯黑之間，馳突於彈丸注之下。死者幾千人，傷者不可勝數。然得奏蕩平之功。吾儕幸全首領，厚恩賜勲，爵感愧不能禁。因追念往事，恍如見亡卒之奔命，惚如聞故將

之布令。死者不可復起。故欲為之建碑以慰其魂。乃謀之於博交社員。與各隊同力贊之。於是相地于湖南園城寺。摸築砲臺一基。上安巨石。題曰紀念碑。嗟呼。後之觀之者。誰不感奮哉。軍人軍屬爭捐俸助費。不日告成。余不自揆。勒其由。以傳于不朽云爾。

皇紀明治十一年戊寅秋九月撰。時余幹湖南博文社事。

陸軍少佐從六位勲四等山口素臣

明治十年二月。西鄉隆盛叛于鹿兒島。遂率薩隅日三國之兵。直指上國。圍熊本城。數旬而不能拔。官軍

既迫南関。賊連戰失利于木苗于田原坂。四月十四日。熊本圍解。勝敗之機。實決於此矣。方是時。官軍有扼吭于山鹿。有拊背于八代。有奪巢窟于鹿兒島。策應不失軍機。以攘賊于久吉于大口。然賊亦倔強。連敗不屈。既而官軍蹙之高鍋延岡。賊勢殆窮。逞兵數百。突可愛嶽之長圍。擣鹿兒島之空虛。於是官軍海陸齊進。圍賊于城山。九月二十四日。大舉攻陷之。賊魁隆盛等皆伏誅。抑自皇政維新十年。于是其間佐賀熊本山口之叛亂相尋。然國家之難。未有甚於是役者也。然而王師所向。勢如風雨。掃蕩妖氛。誅夷鯨

鯤。不啻西陲就治。天下之大計亦大定於此矣。是固  
雖繇皇威之烈。自非將校之戰略得宜。與士卒之冒  
萬死。則安能至秦。此偉功哉。雖然國家不幸有斯征  
校。役。而將校士卒之殞命於矢石。暴骸於原野者。無慮  
數千人。而我縣賦兵之殉此難者。亦至百七十餘人  
之多矣。噫痛矣哉。頃大津營所第九聯隊陸軍士官  
某等。建碑于圍城寺內。記征西之功績以吊焉。名曰  
紀念碑。余深嘉其舉。亦與同志謀。聊助其工。因記之。  
以勒碑陰云。

明治十一年八月

滋賀縣令正六位篁手田安定識

建設委任

陸軍大尉 有田德一

陸軍會計軍吏副太田義隆

陸軍會計軍吏補和田正邦

石工 大津田村岩次郎

外村半雲先生碑

蓮  
先生諱三行。字有師。赫省吾。半雲其別號也。本姓  
並江氏。父曰敬道。先生年十五。出為外村清蓮嗣。  
家世為考根藩銃卒。先生生長側微。迨及卑職者。  
二十餘年。年四十。擢列士籍。明治元年。以徵士出  
仕于朝。為刑法判。更試補。既而罷歸。任考根藩大  
屬。進權少忝。五年。補陸軍省裁判。明八等。出仕。  
移病。辭職。不復出。以十年一月某日沒。享年五十  
七。葬于宗安寺。先塋之次。初弘化。嘉永間。米利堅  
人。未航浦。賀幕府。命藩侯遣兵備邊。先生送役。慨

然以敵愾自期。謂國家久安。上下恬熙。宜一戰以作與士氣。用夏者希幕旨。專講和議。願惡其鯁直。論錮於家。先生益自奮。屢建言。藩侯不報。乃復作書讓藩老偷安。其言激切。藩老怒。欲中以法。而先生泰然不懼。既而有庚申三月之變。藩士憤怨。圖報復。先生諭以社稷為重。衆不敢動而止。及嗣君襲封。戮前用事者二人。大釐革弊政。尋命先生隨老臣。岳本宣迪入京。典列藩士大夫相往來。共議國事。至丁卯戊辰之際。藩論一定。勤王奏劾先生。與有力焉。先生為人。介直。篤摯。旁與群兒戲。遇其

配  
驕驚不弟者。輒正色折之。九歲失恃。哀毀如成人。及長。力學。毋古。初奉洛周。後主餘姚。體察心得。知行合一。務誘導。後進。以故。闔藩翕然。推為宗師。而從遊者多。躬行實踐之士。所著有羣玉。渾成。咏古。絕句。律書。訓解。詩文集。若干卷。先生以清蓮女為妻。生一男一女。妻沒。男亦夭。繼娶梅田氏。竹村氏。並無子。藩制隊卒。陞士班。別藉給祿。不得承父家。因養梅田氏。弟省三。嗣其女為義父清蓮嗣。以女孫為已嗣。先生既沒之四年。門人故舊。追慕不已。建碑於彦根城北。并伊神社之側。屬余為之文。余

映先生交親。乃舉平生所知。據實直書。不敢溢美。  
蓋亦先生之志也。  
明治十二年四月

從四位井伊直憲篆額

谷鐵臣撰

正五位日下部東作書

林霞峯刻

栗園中村先生壽藏碑

公戊辰之變。我奮君板倉。戾以幕府元老。獲罪天朝。褫  
封。余欲請復之。變形入京。上書陳情於當路大臣。當  
明是收。朋友故舊官於朝者。皆懼連坐。罹禍視如路人。  
甚則有陰相擠下石者。獨今史館編修岩谷君誠卿。  
埼玉縣教諭中村君士訓。懇慰藉而誠。卿之師士  
訓之父栗園先生。上書為余乞哀。嗚乎。炎涼翻覆。世  
情如彼。乃先生以一面識。顧為故人之所不敢為。則  
其意氣激昂。忘身報國。可知矣。先生博通經史。兼能  
詩文。少仕於水口。藩為教員。然不喜碌。與俗儒為



伍暇則聚子弟擊劍角觝割鮮酌美視黃白糞土不  
啻年二十九納室生女翻然自悔曰如此而不已飢  
寒我妻孥并賊彼人子乃束脩行檢頓改舊態弘化  
中花旗國舶來浦賀先生慨然投筆講兵具論戰守  
方略而倍吏以為非急務不省居數年花旗舶復來  
強求互市幕議與朝旨不合物論洶々藩士亦分黨  
內訌藩主舉先生參與政吏先生剛直疾惡如讎羣  
小忌之夜榜城門曰殺新叅政蓋欲使其畏沮去職  
而先生自若不動有一僧奸猾誑衆先生白退院而  
壯士要諸途數以其罪拔刀斫之僧投水僅免錯疑

先生所使陰圖報復先生乃有戒心夜行衷甲甲賀  
屢士豐田美稻者先生門人也機警雄辨每談兵嘗  
以尊王攘夷游說諸侯為幕吏所跡逃在三倫間募  
志士得二百餘人欲迎先生舉兵先生慮其輕舉誤  
復馳書止之美稻果遇害明治元年春王師敗東軍  
於伏水藩主在京召先生先生投袂起赴之使人說  
朝貴曰臣昨過大津諸國兵集所在設關誰何是徒  
示怯於敵耳不若命一侯伯鎮京畿而六師直搗賊  
巢則沿道士民箠食相迎誰敢抗命乃遷延曠日賊  
必據險固守憂在不測設岩倉公納其言致書於

東海道鎮撫總督橋本公見先生總督面諭稱其藩  
先衆勤王且曰吾且日東叢叟有奇計宜白諸木梨  
參謀乃馳謁之辭以寒疾先生遂去藩主乃陞為執  
政叟無細大諮詢焉先生感奮立革諸弊法會前侍  
從綾小路公私去京師募兵欲辟先生忝其軍叟先  
生辭曰均從王叟也然臣不忍棄我生去使者不能  
強既而六師東征賊徒平定果如先生所策明年列  
藩納土藩主為知叟先生為大叟協心講治庶績  
漸見而先生移病辭職乃賞積勞廩餼歲若干石以  
養老居數年車駕北巡至近江召見行宮賜以絹帛

蓋異數云今茲辛巳先生七十五誕辰門人子弟祝  
以詩歌先生笑曰此無益耳蓋速卜地以為掩棺之  
計於是士訓屬余以文曰豫凶非禮然君再生人君  
而執筆凶叟非凶適足以壽我父矣嗚乎余嘗微服  
東行遺書與士訓訣謂叟若不成不復生還幸而恩  
詔一下叔倉氏鬼不餒而余亦拔擢列名朝班雖曰  
聖上至仁之所致抑亦先生父子師生營救之力居  
多則安得不亟下援筆以報舊誼乎謹案先生名和  
字子臧栗園其別號豐前中津人弱冠學於帆足愚  
亭業成又龜井昭陽門所見不合去游上國與筱崎

小竹齋藤拙堂野田遂浦家長韜庵等友善其筮仕  
於本藩蓋小竹所薦云娶山本氏無子養藩士山縣  
彛正陽子彛配其女為嗣即士訓也所著有孝經翼日  
本智囊寤眠錄栗園文鈔栗園餘橐銘曰其胸磊落  
其筆健儒者論兵非說道貴王卑霸遵經旨棺雖未  
草掩吾夏了豈有秋風吹薤露綠茸兮書帶昔不膏  
不崩石鑄銘維是先生之壽兆

宮内文学位五位川田剛撰  
一尋編修官位五位巖谷修書

明治七年十月九日寫即夜校

鍋塚碑

小野湖山

鍋瘞於冢、築於勝地者何哉松浦多氣四郎君自  
表不忘奮也君夙好漫游足跡遍及四陲遂越海極  
蝦夷之境而著蝦夷三航日誌三十六卷蝦夷沿海  
圖二十餘頁蝦夷者今北海道十一州之地也往敗  
幕府之開蝦夷取于君之圖誌者多矣維新之初置  
開拓使特擢君任判官叙從五位君慨然奉命專任  
其夏定國界國名分大小郡邑區畫措置皆得其宜  
君積年辛苦跋涉之功於是乎顯矣初君之入蝦夷  
在天保弘化之際山野不闢人獸雜居到屬荒漠無

里可投宿無家可求食君造三小鍋齋米塩坡荆棘  
犯霜雪飢則拾枯枝落葉以鍋炊米或嘗草木煮食  
之如斯者不知其幾日幾回也然得以有圖有誌助  
偉 開拓之偉功而此鍋實性命所係其功豈可忘哉近  
歲和紀大峯熊野間之險梗塞不通君聞之又携此  
沒 鍋而往遂經所謂七十五險者歷拜設小角氏靈跡  
而還大峰係三井管下所以瘞之於此君平生多奇  
異可傳者今特記之亦從君志也

明治十六年七月

湖山居士小野長憲 撰  
鳴鶴仙史日下部東作 隸

釋行誠題額

下田善成刻

敕謚神光寮照禪師行狀碑

關

師諱宗弼字授翁嗣闕山城州人倍姓藤氏

由中納小一條內大臣高藤公又號勸修寺一

大臣家華族也始任播磨守旋昇進至黃門侍

郎兼檢非違使別當私第在北野稱柳殿自幼

母學覃思六經研精群籍收以博覽強記而聞

經後醍醐天皇御宇選集名儒講論諸義於禁中

連雙日隻日或及乙夜而退上皇特命公談尚

書諸卿通曉者鮮公講明奧義其言一發猶若

破竹數節之下迎刃而解也於是敬顏大喜播

紳聳聽。公平居。又知有宗門。向上事。參見大燈  
國師。每日自北野。揭來紫野。志無少倦矣。竟登  
籌室。受衣鉢。法諱宗弼。一夕。國師夢親握公手。  
覺而異之。因字曰授翁。蓋取佛佛授手。祖祖相  
承之義也。一日。奉宣使詣雲門菴。國師稱玄藏  
主。實得吾髓矣。公聞得這一言。還奏。聞便弃家  
累。隱於丹州良峯。又之。和州吉野。後止江之甲  
賀郡三雲鄉。落飾染衣。師棲止處曰妙感寺。三  
所書親賀郡三雲鄉。落飾染衣。師棲止處曰妙感寺。三  
山之。日便投席下。親炙。誨勵。然法諱道弼。國師

圓。所曾命也。不之改焉。一日於本有圓成話。豁然  
大悟。呈投機頌。山於句句。與一抄再抄。答話如  
笑。響應。山呵呵大笑。便授筆。大書帛尾曰。上人今  
即。日大悟。大徹矣。郎日報。曰。要吾禪者。只隨弱  
上人。去于。耽。関。山。祖。會。裏。奮。參。耆。英。頗。多。咸。依  
滅。師。參。詳。関。山。入。滅。師。繼。踵。任。持。為。妙。心。第。二。世  
矣。嗣。師。法。者。無。因。因。和。尚。雲。山。峨。和。尚。拙。堂。朴  
和。尚。皆。接。武。住。本。山。華。藏。曼。有。隣。德。亦。各。旺。化  
一。方。師。以。康。曆。二。年。庚。申。三。月。二。十。八。日。遷。化。  
在。壽。八。十。五。法。臘。四。十。三。闍。維。收。設。利。建。塔。於

山

正法山西頭名曰天授院  
四佳妙心妙感中與愚堂東寔謹誌

明治日報千重十亭明治十八年三月廿六日

万里小路藤原公三雲里遺迹之碑

古之君子達則兼善天下窮則獨善其身消息盈虛  
其道与眈变移自非明哲知幾之士其孰能与之孔  
子贊易曰知幾者其神乎又曰幾者動之微吾之先  
見者也用捨行藏之象動而合宜豈不亦难乎哉余  
讀國史至後醍醐帝惡北條氏驕橫懷剪滅之意然  
而敗運未至庶謨不協始焉以笠置之困厄終焉以  
隱岐之播越幾乎天下之莫不可復為未嘗不掩卷  
而痛恨慨嘆焉當是眈万里小路藤原公扈從行間  
百折千磨其志气不少屈撓深知楠公之賢舉薦之

託帝說以圖外之任。公知人之明。其亦孰尚焉。夫新田  
名和亦松等之英豪。所以雲蒸霞起者。特由楠公之  
首於唱募也。而楠公之出。以公為之內助。則建武中  
與之勳。誰有出公之右者乎。是所謂兼善天下者非  
耶。帝既復祚。官園之訐。奸宄之癸。牝雞司晨。乾餱失  
德。中與之業。殆將不終。公察其兇。論其賞罰之不當。  
於天馬之出也。直諫益言。以為不祥。諷以此于夷齊  
之夏。而帝不能。歎曰。為臣之道。於我益矣。乃飄然掛  
冠。入北山岩。藏為僧。是所謂獨善其身者。非耶。公之  
已去。負笈漫遊。歷丹波大和。而隱居江之甲賀郡三

雲里。及入空門。參於大燈國師。大悟妙旨。師取佛  
手授之。象跡授翁。以繼法脉。字曰宗晉。康曆庚申春  
三月廿八日。薨于里之妙感寺。享年八十五。其高蹈  
之節。詳載于愚堂和尚所誌。而其墳墓不一者。蓋係  
茶毗久骨耳。公之去世。韜光匿跡。是以異說謬傳。率  
不足信。而其遺迹之在三雲里。較然著明。公又有山  
居之詠。則最足為徵矣。公之避世。後者若其居三  
雲山中。耕耨以供朝夕。其姓井上氏。今里人大半係  
其後。皆葬公墓側。云文久癸亥之春。我南山公朝于  
京師。余得扈從。過三雲里。寓井上某家。與余同其姓。



氏。曾子曰。慎終追遠。吾於是有感于公及沒者之矣。遂拜其墓而去。今茲正月。又侍藩公子于京師。再過三雪里。總同姓之家。感慨益深。聞三月廿八日。實為公忌辰。余乞暇至三雪里。宿胥井上某家。以為同族最相親暱。越翌日。祭公于妙感寺。自信其或者神勞。髣未享也。蓋公之賢。達則兼善天下。窮則獨善其身。其進退出處。係天下之安危社稷之存亡。左氏所謂不有君子其能國乎。公之謂也。嗚呼。建武中與之際。復祚之嘉謨。引裾之苦言。其英風偉烈。數百歲之下。尚能使人興起。况於當世乎。爰謹建碑其墓側。敢

表其顛末。以告天下後世。庶幾乎使志士有所考鑑焉。

慶應二年歲次丙寅冬十一月

常陽 井上學 平義信 拜手謹識

讀史雜詠卷下 七丁

中納言藤公藤房

青山延壽

建武中帝已誅高敗，稍倦於政。武夫思亂，藤房驟  
諫不聽，曰：「為臣之道益矣。」去入此山，不知所終。  
偉哉楠河州，孤軍摧妖兇。氣類雖或異，藤公亦英雄。  
南朝推偉人，孰若茲兩公。一知言不用，必致招禍凶。  
一知策不行，必至賊內訌。建武用公言，四海長朝宗。  
延元行公策，奸賊足折衝。已失二大機，何以治寰中。  
偉人鑒堯光，先後一何同。一去而一死，南狩更忽々。  
善哉先公史，特昏崇羣蒙。

明治日報 千七十六号  
明治十八年一月三十日

### 藤房卿遺跡

万里小路中納言藤房卿を其終る所を知らずと云傳へ未終焉地乃分明  
を以て於他南朝忠良の楠公新田公の如き既小皆贈位ありて一  
社の神と尊<sup>子</sup>たりし中ふ就きて二公と共に南朝無二の勤王公卿と  
し稱ふ同郷なり今日に至ると尚其跡を何等の沙汰無く忠魂  
義魄をく空しく地下に朽ち去らるる人事を遺憾するや  
有志輩ハ頻小郷の吏迹を探求し大ニ計畫を為す可あり由ハ嘗て

明治十八年正月廿五日

より聞居きく、の頃日偶江州の某氏に就き、親しく聞知せし一  
話を掲す。世人の参考に供せん。藤房卿終焉の地を實に近江國  
甲賀郡三雲里雲照山妙感禪寺なる所に在り。歴々徴々たる者あり。始  
末卿の丹波小隱と吉野小遁と玉ふや、猶信塵中にある思ひ啓  
られ、浮世の人共問ひ来り、最も奇きこと、遂に此寺に來り  
玉ひ、その身を當今尚同所に卿の後、一者共の血統連綿を爲  
家數十戸ありと云。且卿の遺物も甚と多う、か兵火寺のを火に燒失  
散逸し、今傳ふる、卿の手は、彫刻し、その自像と、外二

三乃物品小止り、左の和奇の如きは、卿乃真筆と、同寺の什寶な  
る由

丹波の國を去り、眺ふ

任あり、寸宿をい、く、人問、あ、し、居庭の松、小、こ、を、登、り、  
吉野の住家を出る

あ、き、ま、く、浮世の人共問ひ来り、遠山を、く、宿、し、と、た、て、  
三雲の里、山深く、住馴く

岳の、く、ま、と、餘野、ふ、く、と、夜、雲、ぬ、く、つ、月影や、山居の友

又左の碑文も郷の此里止里給ひ一證ありやせんと  
て某氏に示されたりを写し置く

左の碑文と即前條掲出せる文あり

明治十一年二月一日写

明治日報 第四百二十号  
明治十年三月廿六日

### 遺迹ノ碑文

我社本年一月廿日発元第七十六号ノ帝上ニ藤房卿遺迹  
ト題シ卿ノ終ル所ハ實ニ近江国甲賀郡三雲里雲照山妙感  
禅寺ナルコトヲ證スル和哥行状卷等ヲ掲ゲシガ其後聞ク所  
ニヨシハ美作国西ノ牟郡中谷村ニ於テモ去月二十三日土地開  
墾ノ際卿ノ誌銘ヲ発見セシ由テトコシテ前ノ妙感禅寺ノ遺  
跡ニ比スレバ其ノ證甚少キニ似タリ頃日偶江州ノ士人某ヲ訪ヒ  
尚又左ノ如キ碑文(妙感寺ニ存在セリ)ヲ得タレバ前号ノ掲  
記セシ實ヲ確メシ為爰ニ登載シテ官看ノ瀏覽ニ供ス此次ニ  
碑文アリ

黒川真道蔵書

